



- 01 أفلاي ثُوْبُوْتُوَة تَابِرْيُوَة كَسْتِيَه اِمْر اِيَسُوَسْنَه اِتْكَوْكَوْنَه. 01 Aflaay tuubutwa taabreewwa kaseeh imir'eesosna itkwakwna.
- 02 تَوِيِيْن تَأَسْرَمَه وَاِيْفَه يَمْنُوْتَه اِشْنَهْوَس فَاِيَسِيَايْت فِيِيْنَه. 02 Tooyiin t'asarama W'eefi timanooti ishanhoos faaysiyaayt fiiniya.
- 03 اُكُوَاسَنَه كَسُوَه اِشْنَهْوِي فِيِيْنَه اُكَاي تَوِيِيْن تَأَسْرَمَه اِدْهَرْت تَقِيَقَات اِكُوَاس- 03 Ukwaasana kassooh ishanhii fiiniya akaay tooyiin t'asarama idehart tageegaat ikwaas.
- 04 ثُوْن ثُوْنَه اُكُوَاسَنَه كَك تُوْبُوْرُوَه تَيِيْرْيُوَه مَنُوِيْنِيْب سُوْتْنَه هُوْن- 04 Tuun tuuna Ukwaasana kak toobuurwa teebreewwa manooyaneeb sootni hoon.

### اَدْنِيْت تُمَادِي

اُكُوَاسَنَه تَيِيْرْيُوَه تُوْبُوْرْت اِكُوَاسِهْوَب،

05 سِيَاَم تَرَه هَنْدِيْب مِهِيْن هَنْ يَكَاَب كِيَكِيْن- وَاِيْفَه بَرِيْب هَنْ قَدْهَاب كِيَكِيَه، اَدْمَه هَنْ ثُوْبُوْتِيْب شَقَامَه كِيَهَاي-

06 لَاكِيْن كُوَان تُوْبُوْتِي اِفْرَا سِيُوِيَه، كَسْتُوَه تُوْبُوْر اُرِي فُوَاسِيَه-

07 بِيْن اُوْدُوْر اُكُوَاسَنَه ثِيْن يَكْسِيَايْت وَاَدْمَه مَنُوِيَه- مَلِيَه شُوْكَ اِقْنِيْب فُوْفِيَه، وَاَدْمَه قَبْلِيَسُوَه يَكِيَه هَمْشُوْكَيَه-

08 اُكُوَاسَنَه اَدْن اِيْدَنَه مِهِيْن اُوْمَهَه بِيْتَه اِيْفِيْنَايَه دِرَات اِدَا، اُوْتَك بِيْنْتُوِي دَاَسِيَه-

09 بِيْت تِيْدِرَا اَدْن اُكُوَاسَنَه قُوْدَه هَنْدَه دَاوَرِيْب مَارِيْب نَه اِيَكْتِيْب هُوِي يَكْسِيَه- تِيْدِرَاتَه يَتَك مَلُو هَنْدَه اِيْفِيْن- قَال يَهَنْدِيْب مَدْهَنْ اِيِيُو، وَاِيْر اُرِي تُوْشَبُوَوَه تُوْمَاقُوَه اِسُوْكَنْ هُوِي اِيْفَه-

10 اَدْنِي تِيْدِرَا فُوَاسَه بَهْر اِفْرَا- مَلِيَه اُوْن اُوْبَهْر قَدَّق بَهْرَه اِيَكْتَه-

11 اُوْبَهْر اُوْنَقَال اُوْسْمُوَس بِيْشُوْن اِيْدَنَه، هَفِيْلَاب اِيْدَنَه هَاش دِمَارَاب اَتَاب بَرِيْسُوَه كُوَانَه-

12 بِيْن وَهَاش نَهَس دِمَارَاوَه، شَكُوْبِيْنْتُوَه، وَرَب اَلِيَه اُوِيِيُوَه هُوِي اِيْفِيْن-

13 اُوْبَهْر اَمَلِيَه قِيَهُوْن اِيْدَنَه، كُوْشِي كُوَانَه-

14 اُوْبَهْر اَمَهِيَه تِيْقَرِيْس اِيْبِيْدَنَه، اَسِيْرِيَاب اِيْدَنَه هَاشِي اُوْمَهِي دَهَاي كُوَانَه- اُوْبَهْر اَقْتَقَه هَنْ فِرَات اِيْدَنَه-

15 اُكُوَاسَنَه اُوْتَك شَقَامِيَه جَلَايُوَه، اِنْفُوْاِيْدَه جَلَايُوَه اَدْن تِيْدِرَاتِيْب دَاَسِيَه-

### Adaneet tum'aday

Ukwaasana teebreewwa toobuurt ikwaasihoob,

05 Siyaam tari hindiib mhiin han yakaab kiikeen. W'eefi bireeb han gadehaab kiiki, aadami han tubuutiib shagaami kiihaay.

06 Laakiin kwaan toobuutii ifr'a siiwya, kastoooh toobuur aree gw'asiya.

07 Been oodoor Ukwaasana thiin yaksiyaayt w'aadami manooya. Malya shuuk ignifeeb fuufiya, w'aadami gabaleesooh yakiya hamshuukiya.

08 Ukwaasana Adan iidna mhiin oomha beeti iifiinaayi dir'aat id'i, ootak beentooy daasiya.

09 Beet tidir'a Adan Ukwaasana gwida hindi daawriib m'ariit na iiktiib hooy yaksiya. Tidir'aati bitik malu hindi iifiin. Gaal yhindiyeeb midhhan iyyiw, weer aree tooshboowwa toomaagwa isuukin hooy iifi.

10 Adanee tidir'a gw'asi bhar ifr'a. Malya uun uubhar fadhig bhara iikti.

11 Oobhar oongaal oosmoos Biishoon iidna, Hafiilaab iidna haash dim'araab ataab bariisooh kwaani.

12 Been whaash nhas dim'araawwa, shakwiintwa, warib alya aweebwa hooy iifiin.

13 Uubhar umalya Giihoon iidna, Kuushii kwaani.

14 Oobhar umhaya Tiigriis iyydna, Assiiriyaab iidna haashii oomhii dehaay kwaani. Uubhar ufadhga han Furaat iidna.

15 Ukwaasana uutak shagaamiyi jillaaywa, ingw'iidi jillaaywa Adan tidir'aatiib daasiya.

16 لاكِين اُكْوَاسَنَة اَوْتَكَي دَهاي «بَرُوك كَسَيَه يَهْدَي  
تَدْر اَتِيْب اِنْفِين هَوِي تَمْتِنِيْت تَوْنَة اَدْقِرْتِنِيَة»

17 بَيْن وَهَدَي تَوَشْبُوَوَة تَوَمَاقُوَة اِسْوَكِين نُون- بَيْن  
وَهِدِيِي نَات هَنْ تَمْتِنِيْتِك، بَرُوك اُومِبَا بَايَاي اِيِيَة تَدْدِيَة»  
إِدَي-

18 اُكْوَاسَنَة «اَوْتَك قال اِكْتِنِيْت تَوْنَة دَايِيْت كَتَي، بَرُوه  
تَنِيْب اِتَاوِيْب دَهاي اِيْدَا اُنْدَي» اِدَي-

19 اَوْتَا اُكْوَاسَنَة كَسُوَه اَوْرِيَوَة اِيْكَلِيَوَة وَهَاشِيْب اِدَا- بَيْن  
اَوْتَكَي دَهاي هَاي اِيِيَة، اِيْسَمَة بَرُوه اِنْيُوِيْب اِيْشِيْب- اَوْتَك  
سُوْمِنِيْب اَسْمَة سِيْدِك سِيْمَايِنِس اِيْكْتِن-

20 اَوْتَك اَوْن اَوْرِيَوَة، يَثْهَنِيَة كَسْتِيَهْوَة، اِيْكَلِيَوَة سُوْمِيَة-  
شَاوَتَي بَرَاه سِيْمَاب اِيْبِرِين اِيْكْتِن- لاكِين بَيْن اَوْدُر اَدَم اِتَاو  
مَسَي لُواب كِيَكَي-

21 اَفْلاي اُكْوَاسَنَة اَوْتَك وَتَيْت اِكْرَات نَارَي دُوسِيَة اِدَا-  
بَرُوه دُوي اَكاي، اُكْوَاسَنَة بَرِيَسُوَه بِيِيْب قال هَوِي اِفْرَا، مَلِيَة  
شَات قَنِيْب يَهْكَوْرْت هَرَاي،

22 اَوْن اُنْكَ تَرَبِي تَكْت اِدَا، مَلِيَة بَتُوَه اَوْتَك مَرِي هَاي  
اِيِيَة-  
23 اَوْتَك اَجَبَمِيَة «تَوِي اُنْتَب تَايِي يَ قال اِيْفَي- نُون بَتُوَه  
اُنِيْت تَمِيْتَايِيَوَة شَايِيَوَة دَاْمَاثُو، بَتُوَه اُنْيَب وَادَمِي فَرَاثُو»  
إِدَي-

24 تَوْن تَوْنَاتِي دَهاي، اَوْتَك اَبَاوَسُوَة دِيْتُوَسُوَة اِشْتِيْت،  
تَكْت اِنْدَايِر- بَرَاه مَلِيَاب قال تَك تَايْتِيْب اِكْتِن-

25 بَرَاه مَهْلُوَبَاس رَبُوَبَاب اِيْكْتِنِيْتِك هَنْ، سِيْكَوَاب كِيْكِن-

16 Laakiin Ukwaasana ootaki dehaay «Baruuk kaseeh yhindi tidir'aatiib eefeen hooy tamtiniyeet toona adgirtiniya.

17 Been whindi tooshboowwa toomaagwa isookiin nuun. Been whindiiyi naat han tamtiniyeek, baruuk uumb'i baay'ay iyya tindiya.» idi.

18 Ukwaasana «Uutak gaal ikatiyeet tuuna daayiit kitti, barooh tan'iib it'awiib dehaay iid'a andi.» idi.

19 Oont'a Ukwaasana kassooh ooreewwa eekilaywa whaashiib id'i. Been ootaki dehaay haay eeya, esma baruuh iniweeb iishbib. Uutak soomyaneeb aasma sidik simaayees iiktiin.

20 Uutak oon ooreewwa, tidhhaniya kasteehwa, eekilaywa soomiya. Shaawti baraah simaab iibriin iiktiin. Laakiin been oodoor Aadim it'iw masi lawaab kiiki.

21 Aflaay Ukwaasana ootak winneet akraat n'ari diwisiya id'i. Baruuh diwee akaay, Ukwaasana bariisooch bayiib gaal hooy ifr'a, malya shaat geeb yhakwurt har'ii,

22 oon utaki tarabee takat id'i, malya batooh ootak marii haay eeya.

23 Uutak ajjabamiya «Tooy aneeb t'iiti gaal eefi! Tuun batuuh aniit timiitaattiwwa shaatiiwwa daamamaatu, batuuh aneeb w'aadamii far'aatu.» idi.

24 Toon toonaatii dehaay, uutak ubaabooswa deetooswa ishtiit, takat ind'iir. Baraah malyaab gaal tak t'iiteeb ikatiin.

25 Baraah mhalloobaas raboobaab iiktiineek han, sikw'aab kiikeen.